

TE HEHEURAA API

I neia i te piha nenciraa a Henere i Roto Miti i Utah no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farane i te matahiti hoe.

Nu. 9

Setepa, 1915

Mat. 9

“I teie nei râ, ua faatiamâhia outou i te ino, e ua riro ei tavini no te Atua, o te maitai ta outou e faatupu, e e ora mure ore hoi ia te hopea. E utua te pohe no te hara, area te ora mure ore ra, e mea horoanoa-hia mai ia e te Atua i roto i to tatou ra Fatu ia Iesu Mesia.”

Roma 6: 22, 23.

“TE HOE RE'O FAAARA.”

E te mau taata toroa, te mau taeae e te mau tuahine no te Ekalesia a Iesu Mesia i te Feia mo'a i te Mau Mahana Hopea Nei, Ia ora na outou i te aroha o te Atua, Amene:

Mai te tau a Hairamu Pete (a hi'o i te Buka Fafau 27:4) e tae roa i teie nei; i tera tau e i tera tau, ua tae mai te tahi faaiteraa no ò mai i te mau varua haavare, i te tahi mau melo o te Ekalesia nei.

I te tahi mau taimé i tae mai ai i teie nei faaiteraa haavare, i te mau taeae e te mau tuahine, no te ratou ofatiraa i te ture a te Atua, e ua vî ohia ratou i te Diabolo. I te tahi mau taimé râ ua faaaratai-hape-noa-hia te mau taata na roto i te faana'oraa o to ratou mau mana'o i to ratou iho

haapao-maitai-raa i te mau ture e te mau peu mo'a o te Ekalesia, e ua faaarataihia e te mau varua haavare. E na taua mau varua haavare ra i faahua mana no ò mai i te Atua e i te tahi mau taime i varehia te thi feia tei mana'o e e feia maitihia ratou. I faahua o Satani ia'na iho ei melahi mara-marama.

Ia tae mai te tahi orama, taoto, parau êê, tohu, aehuehu mana'o, e aore râ te tahi atu horoaraa taa ê o tei heua mai i te tahi mau mea au ore i te mau heheuraa i te Ekalesia, e aore râ i au ore i te mau faaauraa i fariihia e te feia mana o te Ekalesia; ei reira e ite papu roa te Feia Mo'a e e ere ia taua mau mea ra no ò mai i te Atua. Ia ite te mau taata e e tae mai te mau parau faaite, oia hoi te mau heheuraa no te faaaratairaa o te Ekalesia nei, e tae mai ia na te upoo o te Ekalesia, oia te Peresidene. Teie râ e tia ia i te mau melo haapao maitai ia farii i te faaururaa o te Varua Maitai no ratou iho, e to ratou iho utuafare, e no ratou atoa ta ratou i faataahia e i faatoroahia hoi e faatere.

Iritihia na roto i te hoê parau i papaihia e te Peresideneraa e i faaauhia ei re'o Tahiti e Ora Haera.

O VAI RA TEMONO?

Te faaite nei au i teie nei parau i mua i te feia atoa o te mau i te toroa faatere no te Etaretia. Ia ite atoa te mau taata e tai'o i teie nei parau e, e parau mau roa ta to'u metua i parau hou to'na poheraa.

Hoê ahuru ma iva matahiti a'enei te maoro o te poheraa o to'u metua i teie nei. Mai te Matahiti 1895 ua pohe oia e tae roa mai i te matahiti 1914, ua papai au i te tahi parau ta'u i faaroo papu atu i roto i te vaha o to'u metua i te parauraa mai i te mahana a pohe a'i oia I taua matahiti

ra, ua ma'ihia oia i taua matahiti ihora e ua hinaaro oia e faarue i teie nei ao, ua titau ia parahi i tera'tu ao.

E Peretiputero tia i tona toroa i roto i te Etaretia a Iesu Metia i te feia mo'a i te mau mahana hopea nei no te amaa Marokau i te tau ia Turuati aita ra oia i ite mata'tu ia Turuati o te mau orometua maohi râ ta'na i tonono haere i teie paeau fenua e haapii i te Evaneria oia hoi Tagia, e ua faatoroa i tou metua i te toroa faatere no te Etaretia aita râ vau i ite i te mau tia i mua'tu i tou metua no te mea hou to'u fanau ra 1873. Aita roa'tu oia i aueue noa'e i tera parau i tera parau ua tamau noa oia i te faaroo e tae noa'tu i tona pohe raa i te taima a ineine ai oia i te pohe ua ani mai oia i tona tauturu piti oia hoi Magaia a Marunui ia haere mai i pihai iho iana e o vau atoa iho i pihai i tou metua; e te mau noa ra vau i te toroa Tiatono i taua matahiti-ra. Ua na ô maira oia ia maua a faaitoito i te ohipa a te Atua eiaha e haere ê, e haapao na te vahi ta'u i faatere e tae roa mai i teie nei mahana. Teie râ e faaite atu outou i te mau orometua e, ua pohe taua taata ra o Tahiaroa i teie nei matahiti i te fenua ra i Ravahere, ua faaea rii oia i te parau.

Ua ui a'tu ra te tauturu piti ia'na na ô atura. O vai ra te mono i to oe na toroa o ta oe iho tamaiti anei? E mau mineti rii ua pahono mai oia na ô maira e ere ia i te ohipa na'u te maiti i te tahi ei mono no'u i teie nei toroa, na te Atua iho e maiti i te taata tana e hinaaro no taua toroa mo'a ra.

Aita ra i hope atoa ia'u i te tuatapapa te mau vahi i ravehia e tou metua i tona oraraa a mau ai oia i taua toroa ra, o te parau râ tana i parau mai a pohe ai oia, o tau ia e papai nei ia iteahia te Hiroa mau o te feia e tiaturi i te Evaneria o te Metia ra.

E homa e, e mea tia anei teie nei parau, ia feruri mai

outou, e oare râ e haavare? te manao nei au oia mau roa, ahiri tou metua i na ô mai e, E o tau tamaiti te mono no to'u toroa, ua haavare mau oia, no te mea, e ere mau ia i te ohipa na'na i te maiti i te hoê mono, maori râ ia maiti hia e to te Amuiraa paatoa e oti ai. Ua vai noa teie nei parau i na Matahiti a'e nei, aita roa'tu i haamana'ohia e faufaa anei teie i te mau taata e aore anei? ore noatu â te hoê e farii, e farii ra vau i tei ei haapiiraa e, eiaha e rave i te ohipa a te Atua mai te tia ore.

Ua tae mai te puta monoraa i papaihia e Farani raua o Butera, i neneihia i te 1908 ua taio vau, e mai te hi'opoa papu i te mau vahi i faaitehia i roto i taua Buka monoraa, ua na ô mai i te api 4, Irava 2 "Ia maitihia te Peresideni raa e te Atua na roto i tana mau tavini e te Etaretia atoa e tia." Ua au anei teie nei irava i na vahi i faaite hia e tou metua i nia nei?

E ua tano roa no te mea te na o maira oia e, e ere ia i te ohipa na'u te maiti i te tahi ei mono no'u na te Atua iho e maiti i te taata tana i hinaaro no taua toroa mo'a ra.

Teie te tahi mea maere no te mea hou teie mau haapii raa i tae mai ai oia hoi te monoraa ua na mua mai oia i te faaite mai e aita e tia iana ia maiti i tana i fanau ei mono maori râ na te Atua na roto i to'na mau tavini e vai i te fenua nei.

Na teie i haapii papu mai ia tatou e, na te Atua mau te Etaretia i parau hape-noa-hia e te taata e, "Momoni."

Ahiri to'u metua i na ô mai e, E o tau tamaiti te mono i to'u toroa ua tia roa ia tatou i te parau e, na te taata iho taua Etaretia ra, ua haavare mau oia, i teie nei râ, e no o ia tatou e, e parau mau roa ta Paulo i papai atu i te Etaretia i Roma, o tei na o mai e, "Aita'tura e faahapa i teie nei i te feia i roto i te mesia ra ia Iesu, o tei pee i ta te Varua ra, aore i ta te tino, Roma 8:1." e no reira e papai poto noa

vau i tei parahi noa i roto i te mau haapaoraa hape e tei ore i haapao i te ture a te Atua eiaha râ ia roaa te tao'a o te tino i papai ai au, ia roaa râ te maitai o to oe na Varua o te patu noa'tu oe i nia i ta vetahi ê ra niu.

Pahoa a Tahiaroa.

— 0 —



Te hoe orometua api teie, o Alama Burotoni to'na i'oa. O Robeta Burotoni, te Episekopo Rahi o te Ekalesia i te matamua o to'na metua tupuna



E hoho'a teie i hamanihia no te hoê fare nehenehe hau
 ê i te Eposition in San Francisco. I hamanihia teie hoho'a
 i te pô. No te rahi o te mau mori i nia taua fare ra i anaa-
 na mai, mai te daiamoni te huru.

TE ORA MURE ORE.

Na te mau hoa rii o te Heheuraa Apî e, ia ora na outou na! E hoa ino ma e. E raverahi a'enei tei tamata i te tuu i te mana'o i nia iho i te parau no te "Ora Mure Ore" o te i ore roa i haroaroa maitaihia taua parau ra e aore hoi i faai-te papu roa hia'tu, no reira te mana'o nei ia te Heheuraa Apî e e tauturu oia i to'na ra mau hoa i te faaite atu i te auraa mau o teie nei parau, oia hoi te ora mure ore.

To na ô maira te parau ta Paulo i papaihia i roto i ta'na episetole i te Roma 6:23. "E utua te pohe no te hara, area te Ora mure ore e mea horoa noa hia mai ia i roto i te tatou Fatu ra i Iesu Mesia."

E hie parau ta tatou e ite nei na roto i teie nei irava ta tatou i farerei a'enei? Teie ia, oia hoi; e piti, te tufaa matamua ra: E utua te pohe no te hara, oia hoi, i tuu mai na te Atua i te ture i to tatou na Metua matumua ra i roto i te ô i etene, i te na ô raa mai e eiaha roa orua e amu i te raau e ite ai i te maitai e te ino ei te mahana e amu ai orua e pohe ia orua, e inaha aore raua i haapao i ta te Atua i parau mai ia raua ra, amu atura i taua raau ta te Atua i rahui mai ra, i reira te mairi raa mai te utua o te hara oia te pohe mure noa, no reira o te pohe ia te utua i tuuhia mai e te Atua no te hara, aore e tia faahouraa i te utua i tuuhia mai mutaai-hora. Te na ô mai ra te tufaa piti no ta tatou parau e, area te ora mure ore e mea horoa noa hia mai ia i roto i to tatou Fatu ra ia Iesu Mesia. Eaha ia te Ora mure ore e parau hia i roto i te irava nei? O te Ora ia i roaa mai i te taata nei na roto i te tiafaahouraa o Iesu Mesia mai te pohe mai, oia hoi i na rotohia i te pohe Satauro o to tatou Fatu, o te hanahana rahi o to'na ra tiafaahouraa mai, i roaa mai ai i te taata nei te tiafaahouraa mai te pohe mai e o taua tiafaahouraa ra o te Ora mure ore ia, a apiti faahou hia i te tino e te varua a haamou roahia'i te pohe mure noa aore roa e

pohe faahouraa i muri a'e, papu roa'tura to tatou mana'o i nia iho i te parau no te Ora mure ore nei teie râ te tupu mai nei te hoê ûiraa mana'o i nia iho i teie nei parau i te na ô raa mai e, E roaa teie nei ora ia vai?

Inaha te pee noa maira te pahonoraa i teie nei uiraa i te na ô raa mai e, e roaa teie nei Ora mure ore i te taata parau tia e te taata parau tia ore. No te aha? No te mea e mea horoa noa hia mai te Ora Mure ore i roto i to tatou Fatu ra i Iesu Mesia, e ua horoa noa hia mai ia e Iesu Mesia i te taata nei. Afea e roaa'i taua Oora ra i te taata nei?

Oia hoi ia tae i te hopea ia faaoto na Merahī i te pû hopea ra e farii faahou te varua i to'na tino e te tino i to'na varua aore roa e taa-faahouraa i reira, to te tino e to te varua, e i reira raua ora noa'i aore roa e hopea o taua ora raa ra.

Eaha ia to te taata nei huru i roto i te ora mure ore? Teie ia, e i roto oia i te ora mure ore faarii ai i te utua no te mau ohipa ta'na i rave i to'na ora raa i teie nei ao, oia hoi ia oti te Haavarāa rahi hopea a to tatou Fatu ra e i reira te mau buka i parau hia i roto i te Apokalupo ra ta Ioane i ite i roto i te orama ra e heheuhia'i, e i reira e haavahia'i te taata nei i te mau ohipa ta ratou i rave e ei reira hoi Oia e tuu mai ai i te utua; te taata parau tia ra e haere ia oia i roto i te oaoaraa i te vahi i haapaohia no te feia parautia ei reira oia oaoa noa'i e aore roa e hopea, e farii oia i te maitai ana'e i te rima o Iehova ma te hau.

Area te feia parau tia ore e te tamau maro i te rave i te hara, ei reira oia e farii atoa'i i te utua o te mau ohipa ta'na irave i te ora raa nei a haere atu ai i roto i te vahi mauui rahi, e te oto e te auauraa niho, a mamae noa'i mai te ama auahi ra aita e hopea e aore roa oia e pohe; e ora noa ra oia i roto i taua vahi mauui rahi ore o tei parauhia ra e, o te riri o te Atua, o te auahi pohe ore e te gopheri a

ama ra, e ora noa te taata i reira, auau noa'i te niho i te niho ma te aue rahi, e titau te taata i te pohe, aore roa ra e pohe raa o tei parau hia ra ia e, o te ora mure ore. E hoa ino ma e, outou atoa o te taena hia'tu e te heheuraa apî nei a tai'o haapapu maitai iho na oe i teie nei parau ia ite oe i te auraa mau o teie nei parau e ia taa maitai hoi i to mana'o, e i reira oe e ite ai i te auraa mau o te parau ra e, ora mure ore; are'a te oaoaraa mure ore e na roto ia i te ohipa te noaaraa mai i te taata nei taua utua maitai ra, area te ora mure ore na te Atua ia i horoa mai i to tatou Fatu ra ia Iesu Mesia.

Papaihia e Mapuhi a Mapuhi.

—O—



E hoho'a teie to te tahi mau fare no te Exposition i California

TE MAU PARAU API.

—o—

Te hoê tumu i roohia'i pinepine te fenua tinito i te o'e e te mau pue pape o teie ia. I te matamua roa e mau tumu raau rahi e te mau aihere rii tei i nia i te mau mou'a e i roto i te mau peho. No te rahi o te mau taata i taua fenua ua pau taua mau tumu raau no te mau huru ohipa e no te vahie e te reira mau huru mea e i teie nei ua taha noa te tahi tufaa rahi o te fenua. I teie nei ia mairi mai te ûa aore e hoê mea e tapea i te reira i nia i te mau mou'a e ua tahe noa i raro, i roa'tura te mau anavai e ua nina roa ihora te fenua.

Te tumu i parauhia te anavai rahi i reira o te anavai Rearea no te mea e repo rearea tei roto i taua pape ra.

—o—

I te 23 no Setepa i roohia faahou te fenua Italia i te hoê ueueraa fenua ri'ari'a. I roto i te avae Tenuare ua roohia taua fenua ra i te ueueraa fenua e ua maru ai te mau fare rarahi i raro, i roto i te tahi mau tufaa fenua, e te parahi noâ ra te mau taata i roto i te tahi mau fare ite nainai i teie nei.

Rohia atoa Taraforia i te ueueraa fenua e ua farerei atoa matou i Utaha te tahi ueueraa fenua rii aita ra te mau taata i ite i te reira.

Ua farerei te Mexico i te tahi ueueraa fenua e ua pohe te tahi mau taata; ua ite atoa, hia te tahi ueueraa i Alaska i te pae apatoerau roa no Amrika. Oia mau e tau reiria teie.

I te 24 no Setepa ua tupu te hoê auahi rahi roa i te pae hitia o te ra i Amarika Amui e ua pau e 75 fare. E piti fare teataraa e e pae fare tapaeraa taata i pau. Te faufaa i pau e roaa paha e \$200,000 dala moni Amarika. Ua hamata taua auahi i roto i te hoê afata pehu.

I te 20 no Tetepa ua ama te pahi auahi ra o Athimai, e pahi Hereni; i tua roa taua pahi a ama'i oia. Ua tere atu taua pahi ra mai New York atu e ia tua roa ua tupu te auahi i roto i te taihaa i raro roa i te apoo. Ua paraparau ratou i te tahi mau pahi i te atea, mai te ani ia ratou e haa-peepee mai e tauturu ia ratou. Na te pahi ra Tuscania i faaora e 408 horopatete e na te tahi pahi Roumanian Prince i faaora e 61 taata. E hoê noa iho taata i pohe roa. E mea maere rahi te ravea e paraparau na te niuniu ore.

E piti hanere taata i pohe roa i Salvador i roto i e hitu hebedoma. Na te mau ueueraa fenua i reiraa te tumu. I roto i te mau mahana i ueue te fenua e i maru ai noa te mau

fare parahiraa a te mau faehau. I roto i te tahi oire rahi te tia noa ra e maha noa iho fare.

—o—

Ua faaroo Heheuraa Apî e, ua parari o Mariposa te pahi auahi ra i ta to Tahiti ma i matau maitai. I te pae apatoerau i Amarika to'na parariraa i nia i te ofai. E parau faaroo noa teie e aita i itea e parau mau roa. Na te tahi parau i faaite mai ua mau noa i nia i te one e e ora oia.

—o—

I roto i Setepa ua paremo te tahi pahi tei tere pinepine i Tahiti ma, taua pahi ra o O. M. Kellogg e pahi faauta raau. I ò atu i te paeau Samoa to'na parari raa, ua û oia i nia i te tahi motu iti. Aita e taata i nia i taua motu ra e ua reva'tu te ratira e ta'na vahine e te mau matero i roto i na boti e piti; i tua roa ua ino te tahi boti e ua toma ratou ana'e i roto i te tahi. Tapae atura ratou i te motu o Laysan e ua parahi ratou i reira e ono mahana. E mau taa-ta i reira e ua tipee ratou i te tahi boti tira hoê e ua tere atu i Midway Island ei reira i farerei ratou i te tahi pahi auahi e ua tere atu i San Francisco. E piti hebedoma ratou i roto i te boti iti.

Toae a Maere, Faaau Parau,
Rue Dumont d'Urville, Orovini, Papeete, Tahiti.

Frank J. Fullmer, Imprimeur,
2532 Seventh East Street, Salt Lake City, Utah